

Ljósmaðrafélag Íslands

22 mars 2014



Efnisyfirlit

Dagskrá aðalfundar	2
Verðskrá félagsvara.....	2
Skýrsla stjórnar Ljósmeðrafélags Íslands.....	4
Tillaga að skipuriti fyrir fagdeildir Ljósmeðrafélags Íslands (LMFÍ):.....	7
Tillaga um breytingu á sjóðanefnd	10
Tillaga um breytingu á starfi gjaldkera	10
Tillaga um breytingu á rannsóknar og þróunarsjóði.	10
Starf Fræðslunefndar LMFÍ 2013-2014	11
Skýrsla ritnefndar	12
Skýrsla sjóðanefndar frá aðalfundi 2013 til aðalfundar 2014.	13
Ársskýrsla kjaranefndar Ljósmeðrafélags Íslands starfsárið 2013-2014.....	14
Skýrsla Norðurlandsdeildar Ljósmeðrafélags Íslands fyrir árið 2013.....	15
Skýrsla fagdeildar heimaþjónustuljósmeðra.	16
Tillaga uppstillingarnefndar til aðalfundar LMFÍ 2014	17

Dagskrá aðalfundar

- 1) Setning fundar og kosning fundarstjóra og fundarritara
- 2) Skýrsla stjórnar
- 3) Reikningar félagsins lagðir fram til samþykkis
- 4) Fjárhagsáætlun næsta árs kynnt
- 5) Tillögur til lagabreytinga og aðrar tillögur
- 6) Skýrslur nefnda/deilda
- 7) Stjórnar og nefndakosningar
- 8) Önnur mál

Að fundi loknum mun Emma Swift ljósmóðir segja frá því hvernig er að læra og starfa sem ljósmóðir í USA, Dögg Mósesdóttir mun sýna brot úr heimildamynd sinni, Valið og Sigríður Dögg Arnardóttir kynfræðingur verður með erindi.

Frammi í anddyri verða ýmis fyrirtæki með kynningar og á boðstólum verða léttar veitingar.

Verðskrá félagsvara

Sala félagsmuna er á staðnum

Síðerma bolir – svartir/hvítir.....	3000 kr.
Afmælisbolli félagsins.....	1000 kr.
Yfirsetubolli.....	1000 kr.
Barmmerki Ljósmeðrafélagsins.....	3000 kr.
Lausnarsteinar.....	3000 kr.
Barneignarþjónusta á Íslandi.....	1000 kr.

Skýrsla stjórnar Ljósmeðrafélags Íslands.

Stjórnar og félagsfundir

Haldnir hafa verið 13 stjórnarfundir á líðandi starfsári. Einnig hafa verið haldnir 2 félagsfundir, annar vegna umræðna um öryggi heimafæðinga og hinn vegna kynningar á kjarakönnun og til kynningar á kjaramálum. Fundur um heimafæðingar var haldinn í kjölfar birtingu greinar um niðurstöður rannsókna um lakari heilsu barna sem fæddust heima.

Kjaramál

Kjaramál hafa skipað stóran sess í starfi félagsins núna í haust. Samningar við ríki og sveitarfélög runnu út 31 janúar s.l.

Félagið tók þátt í samstarfi vaktavinnuhópa og var ætlunin að reyna að semja um styttingu vinnuvikunnar og er skemmt frá því að segja að þrátt fyrir bréfaskriftir og ítrekanir til samninganefndar ríkisins hefur ekki borist eitt einasta svar frá þeim.

Það varð snemma ljóst að á brattann var að sækja og varð úr að öll aðildarfélög BHM munu sækja sameiginlega fram að þessu sinni með eina skýra og einfalda kröfu um umtalsverða hækkun grunnlauna. Viðræður þar ganga hægt en eru þó í gangi. Þegar þetta er skrifað hefur ekkert verið í boði nema 2,8% launahækkun sem er ekki nálægt þeirri tölu sem við höfum hugsað okkur og þarf til að leiðrétta það sem við höfum settið eftir undanfarin ár. BHM hefur staðið fyrir vinnustaðafundum og stórum fundi í Háskolabíó sem var fjölsóttur og annar fjöldafundur er ráðgerður í mars. Fleiri aðgerðir eru í farvatninu og nú þegar þetta er skrifað er í gangi „Póstkortaátakið“ sem gengur út á það að senda ýmsar fyrirspurnir og ábendingar til stjórnvalda.

Félagið hefur hugsað sér í samstarfi við BHM að endurtaka kjarakönnun þá sem gerð var í fyrra. Þessi könnun hefur reynst mikilvægt hjálpartæki við undirbúning kjaraviðræðna og er liður í að byggja upp gagnagrunn um kjör félaga.

Stofnanasamningar

Í kjölfar jafnlaunaáttaks fyrrum ríkistjórnar var farið í að endurskoða stofnanasamninga og hefur gengið hægt og bitandi að endurnýja þá. Gerð þeirra er nú ýmist lokið eða að ljúka á velflestum stöðum á landinu.

Umsagnir til Alþingis

Félagið hefur veitt umsagnir um frumvarp til laga í nokkrum málum. Stærsta og flóknasta málið þar var umsögn vegna undirbúnings til frumvarps til laga um staðgöngumæðrun. Nefnd á vegum félagsins lagði mikla vinnu í það mál.

NJF

Norræna ljósmeðraráðstefnan var haldin í Osló í júní og fóru formaður og Hildur Kristjánsdóttir á formannafund norrænu ljósmeðrafélaganna sem haldinn var í tengslum við ráðstefnuna. Ýmis mál voru rædd þar og m.a. menntunarmál. Ákveðið var að funda síðar á þessu ári sérstaklega um menntunarmálin.

Hildur Kristjánsdóttir var endurkjörin formaður NJF til næstu þriggja ára.

Næsta NJF ráðstefna verður haldin í Svíþjóð 12-14 maí 2016.

Ísland mun halda NJF ráðstefnuna 2019 á hundrað ára afmæli félagsins og er undirbúningur þegar hafinn.

Formaður og Hildur Kristjánsdóttir munu sækja formannafund norrænu ljósmeðrafélaganna 2014 sem haldinn verður í Helsinki að þessu sinni en næsti fundur mun verða haldinn 19 - 20 maí 2015 og verðum við þá gestgjafarnir.

Útgáfumál

Útgáfa félagsins var óbreytt. Út komu tvö tölublöð Ljósmeðrablaðsins og Fylgjan. Handbók félagsins sem verið hefur í vinnslu er einnig komin á síðu félagsins. Tvær blaðagreinar hafa einnig verið birtar í nafni félagsins.

Starfsmannamál

Starfsmannamál eru óbreytt. Birgit Raschofer starfar á skrifstofunni í tuttugu prósent starfi og Signý Harðardóttir er áfram vefstjóri félagsins í tíu prósent starfi.

Smáforrit - App

Vinna er hafin við undirbúning útgáfu smáforrits um meðgönguna og fæðingarundirbúning. Forritið er í grunninn frá danska ljósmeðrafélaginu og heitir Gravid. Félagið stefnir að því að selja það gegn vægu verði til væntanlegra foreldra og annarra sem vilja kaupa það og verður þetta vonandi smá tekjulind fyrir félagið á næstu árum.

ICM

Formaður mun fara sem fulltrúi félagsins á miðstjórnarfund samtakanna í Prag nú á vormánuðum. Auk þess hefur félagið verið í ýmsum samskiptum við samtökin á árinu vegna ýmissa mála.

Sjóðir

Úthlutað var úr rannsóknar og þróunarsjóði og að þessu sinni var unnt að veita öllum umsækjendum styrk. Ekki var úthlutað úr sjóði Jóhönnu Hrafnfjörð enda sjóðurinn ekki búinn að ávaxta sig nema í fáa mánuði. Félagið sá um að kaupa legstein á leiði Jóhönnu.

Styrkir

LMFÍ var með fyrstu stéttarfélagunum að sækja um í starfspróunarsjóðinn. Við sóttum um styrk til að fá til landsins dönsku ljósmóðurina Inge Christensen en hún hélt námskeiðið Fran panic til ro på 10 minutter. Var almenn ánægja með það námskeið.

Önnur mál

Ýmis önnur mál hafa verið og eru í vinnslu. Félagið hefur verið nokkrum ljósmæðrum innan handar sem lent hafa af ýmsum orsökum í vandræðum á vinnustað. Þau vandræði hafa verið af ýmsum toga, allt frá því að ekki er staðið við gerða samninga upp í að vera mál sem send eru til umfjöllunar hjá landlækni.

Félagið hefur reynt að hlutast til um að staða yfirljósmóður við HH verði auglýst laus til umsóknar. Það er eðlilegt að ljósmæður hafi sinn faglega yfirmann og leiðandi afl í starfinu. Það er heimild fyrir þessari stöðu í stofnanasamningi og því hefur ítrekað verið lofað af hálfu HH að auglýsa stöðuna. Við vonum að HH standi nú við gefin loforð.

Félagið hefur ráðist í að skoða aðgerðir á kynfærum kvenna og hefur í því sambandi talað við landlækni, umboðsmann barna og velferðarráðherra. Samkvæmt WHO eru þessar aðgerðir á gráu svæði og höfum við verið að leita svara hvort þessar aðgerðir séu ólöglegar og um hve margar aðgerðir sé að ræða og hvort þær eru gerðar á börnum undir 18 ára aldri. Nefnd á vegum félagsins vinnur að þessu máli.


Félagið var í samstarfi við Leitarstöð Krabbameinsfélags Íslands við að kortleggja landið og sjá hvar ljósmæður væru starfandi. Hugmyndin var svo að þær mundu sjá um sýnatöku frá leghálsi í sínu heimahéraði.

LMFÍ fagnar 95 ára afmæli sínu núna 2 maí n.k. Stjórn hyggst halda uppá afmælið með veglegum hætti og mun veislan byrja kl. 16 þann 2/5. Það er hugmyndin að reyna að fá hollin til að mæta saman og gera sér glaðan dag. Einnig er á þjónum að halda litla málstofu frá hádegi í samvinnu við námsbrautina.

Það er gaman að segja frá því að ljósmæður geta nú sótt um sérfræðiviðurkenningu og hafa sex ljósmæður þegar þetta er skrifað öðlast sérfræðiviðurkenningu.

Tillaga að skipuriti fyrir fagdeildir Ljósmeðrafélags Íslands (LMFÍ):

Í síbreytilegu starfsumhverfi ljósmæðra er mikilvægt að stéttin eigi sameiginlega faglega málsvara þegar kemur að umræðu um málefni stéttarinnar á opinberum vettvangi. Jafnframt er fagfélagi mikilvægt að standa að markvissu faglegu starfi, enda er slík starfsemi í samræmi við markmið félagsins. Því er gerð sú tillaga að LMFÍ eigi frumkvæði að stofnun fjögurra fagdeilda innan sinna vébanda. Fagdeildirnar fjórar muni vinna að framgangi ljósmóðurfræði á hverju hinna fjögurra klínísku sérsviða ljósmóðurfræði, samanber tillögu að skipuriti:



Lagt er til að í stjórn hvernar fagdeildar sitji fulltrúi stjórnar LMFÍ. Þetta væri gert til að tryggja virka starfsemi fagdeilda. Í lítilli stétt eins og ljósmæðrastéttinni má gera ráð fyrir að fjöldi einstaklinga sem eru tilbúnir að taka virkan þátt og knýja áfram starfsemi fagdeilda geti verið sveiflukenndur. Stéttin og félagið þarf hins vegar á því að halda að ávallt sé hægt að leita til fagdeilda til ráðgjafar varðandi þessa fjóra grunnþætti í faglegu starfi ljósmæðra. Aðkoma virkra aðila úr stjórn LMFÍ gæti verið það innlegg sem tryggir slíka virkni stjórna fagdeilda. Aðrir aðilar í stjórnnum fagdeilda yrðu kosnir á aðalfundi, sambærilegt við kosningu í nefndir og ráð.

Lagt er til að 4. og 10. grein laga LMFÍ verði breytt til að endurspegla þessa ráðstöfun.

Úr lögum LFMÍ (með tillögum að breytingum):

4. Grein

ADALFUNDUR

4.1. Aðalfund skal halda í félaginu eigi síðar en á vormánuðum ár hvert. Dagsetning aðalfundar skal tilkynnt með 6 vikna fyrirvara á heimasíðu félagsins. Fundarboð skal berast með tryggilegum hætti með minnst tveggja vikna fyrirvara. Tillögur til lagabreytinga skulu hafa borist stjórn félagsins minnst 4 vikum fyrir aðalfund. Hið sama gildir um önnur mál sem félagsmenn óska eftir að tekin verði fyrir á aðalfundi. Mál, sem ekki er tilgreint á útsendri dagskrá aðalfundar verður því aðeins tekið þar fyrir að meiri hluti fundarmanna á fundinum samþykki það. Lagabreytingar verða ekki teknar fyrir nema þær fylgi fundarboði. Formlegar athugasemdir og tillögur til breytinga á fyrirleggjandi lagabreytingatillögum sem fram koma á aðalfundi verða bornar undir fundinn. Aðalfundur telst ekki lögmætur nema boðað sé til hans á löglegan hátt.

4.2. Viku fyrir aðalfund hið skemmsta skulu fundargögn vera aðgengileg félagsmönnum á rafrænu formi á vefsvæði félagsins, þ.m.t. skýrsla stjórnar, reikningar félagsins og sjóða á vegum þess, skýrslur endurskoðanda og skoðunarmanna, áætlanir um starfsemi og fjárhag félagsins næsta starfsár og framboð til stjórnar og annarra trúnaðarstarfa eftir því sem við á.

4.3. Aðalfundur fer með æðsta vald í málefnum félagsins. Dagskrá aðalfundar skal vera sem hér segir:

4.3.1. Formaður setur aðalfund og tilnefnir fundarstjóra og fundarritara.

4.3.2. Formaður félagsins flytur skýrslu stjórnar.

4.3.3. Skýrslur nefnda, ráða og fagdeilda

4.3.4. Gjaldkeri skýrir reikninga félagsins, sem þá hafa verið yfirfarnir af endurskoðanda og skoðunarmönnum félagsins. Fjárhagsáætlun næsta árs lögð fram til samþykkis og ákvörðun tekin um félagsgjald.

4.3.5. Lagabreytingar

4.3.6. Formannskosning

4.3.7. Stjórnarkosning

4.3.8. Kosning tveggja félagslegra skoðunarmanna reikninga og eins til vara.

4.3.9. Nefndakosning - kosning í nefndir, ráð, stjórnir fagdeilda og önnur trúnaðarstörf.

4.3.10. Önnur mál.

4.4. Á aðalfund skal bóka sérstaklega allar samþykktir og ákvarðanir fundarins. Fundaritarar ganga frá fundargerð að loknum aðalfundi. Fundargerð aðalfundar skal birt á vefsvæði félagsins ekki seinna en fjórum vikum eftir fundinn og veittur tveggja vikna frestur til athugasemda. Að þeim fresti liðnum telst fundargerð samþykkt og skal hún ásamt athugasemdum birt á vefsvæði félagsins.

4.5. Aukaáðalfund skal halda ef stjórn álitur þess þörf eða ef 1/3 atkvæðisbærra félagsmanna krefst þess. Hann skal boðaður með sama hætti og aðalfundur og fundarefni tilgreint í fundarboði.

9. Grein

NEFNDIR, RÁÐ OG FAGDEILDIR

9.1. innan LMFÍ skulu starfa eftirfarandi nefndir

9.1.1. Kjaranefnd

9.1.2. Fræðslu- og endurmenntunarnefnd

9.1.3. Ritnefnd

9.1.4. Siðanefnd

9.1.5. Kjörnefnd

9.1.6. Sjóðanefnd

9.2. Heimilt er að koma á fót nefndum um einstök málefni eða málaflokka ef þurfa þykir sem stjórn skipar í. Sama gildir um samtök og ráð sem LMFÍ er heimilað að tilnefna fulltrúa í.

9.3. Nefndir innan LMFÍ starfa á grundvelli laga LMFÍ. Nefndum er óheimilt að stofna til fjárhagsskuldbindinga nema með heimild stjórnar LMFÍ.

9.4. Innan LMFÍ skulu starfa eftirfarandi fagdeildir, sem skulu vinna að framgangi klínískra sérsviða ljósmóðurfræði í samvinnu við stjórn félagsins og skulu jafnframt vera stjórn og nefndum félagsins til ráðgjafar. Stjórn LMFÍ skipar einn meðlim í stjórn hvers fagdeildar.

9.4.1. Fagdeild um kynheilbrigði og forvarnir

9.4.2. Fagdeild um meðgönguvernd og fósturgreiningu

9.4.3. Fagdeild um fæðingarhjálp

9.4.4. Fagdeild um sængurlegu og brjóstgjöf

Reykjavík, 12. nóvember 2013

Berglind Hálfhánsdóttir

Helga Gottfreðsdóttir

Tillaga um breytingu á sjóðanefnd

Tillaga Ingu Sigríðar Árnadóttur er að gjaldkeri félagsins verði formaður sjóðanefndar og sjái um að kalla nefndina saman.

Tillaga um breytingu á starfi gjaldkera

Tillaga stjórnar er kjörinn gjaldkeri félagsins verði launaður starfsmaður í tíu prósentu starfshlutfalli og hafi fasta viðveru á skrifstofunni fjórar stundir á viku. Ef tími gefst frá gjaldkerastörfum verður hann formanni innan handar við ýmis störf er til falla.

Tillaga um breytingu á rannsóknar og þróunarsjóði.

Undanfarið hafa orðið breytingar á sjóðamálum félagsmanna. Fyrst með tilkomu starfsþróunarsjóðs BHM en þar eiga sjóðfélagar möguleika að sækja um 370 þús. kr. á hverju tveggja ára tímabili og svo með tilkomu Minningarsjóðs Jóhönnu F. Hrafnfjörð.

Í rannsóknar og þróunarsjóð renna nú níu prósent af iðgjöldum félagsmanna og sjóðurinn hefur haft til ráðstöfunar um það bil 1.500.000 árlega til úthlutunar.

Stjórn félagsins vill í ljósi þeirra breytinga sem hafa orðið á sjóðamálum félagsmanna gera að tillögu sinni að iðgjald það sem rennur í rannsóknar og þróunarsjóð verði lækkað um helming eða niður í fjögur og hálf prósent. Hin fjögur og hálf prósentin skiptist á eftirfarandi hátt.

Eitt prósent rennur í kjarabaráttusjóð (Þórdísarsjóð)

Tvö prósent renna í Brekkusjóð til að byggja upp varasjóð félagsins

Eitt og hálf prósent rennur í rekstur félagsins sem hefur glímt í nokkurn tíma við erfiða lausafjárstöðu.

Það verður því helmingi lægri upphæð sem rannsóknar og þróunarsjóður hefur úr að spila árlega en á móti kemur Minningarsjóður J.F.H. þannig að styrkveitingar verða um það bil jafnháar því sem verið hefur undanfarin ár.

Starf Fræðslunefndar LMFÍ 2013-2014

Í Fræðslunefnd LMFÍ eru Hanna Rut Jónasdóttir formaður, Bergrún S. Jónsdóttir, Elín Arna Gunnarsdóttir, Guðrún Gunnlaugsdóttir og Hallfríður K. Jónsdóttir .

Haustið byrjaði á nálastungunámskeiðum, eitt fyrir byrjendur og annað fyrir þær sem vildu rifja upp. Guðlaug María Sigurðardóttir ljósmóðir var leiðbeinandi.

Þann 9.nóvember stóðu fræðslunefndin og fagdeild ljósmæðra sem sinna heimaþjónustu fyrir fræðslufundi. Bergrún S. Jónsdóttir ræddi um samskiptin og samningarna við Sjúkratryggingar Íslands, Þórður Þorkelsson yfirlæknir á Vökudeild Landspítalans fór yfir skoðun nýbura og helstu vandamál fyrstu dagana eftir fæðingu, Guðrún Gunnlaugsdóttir og Helga Sigurðardóttir, deildarstjórar 23-B og 22-A voru með hugleiðingar um heimaþjónustu ljósmæðra og Ingibjörg Baldursdóttir, hjúkrunarfræðingur og formaður brjóstgöngjafaradgjafasamtakanna á Íslandi kynnti þjónustu brjóstgöngjafaradgjafa. Var fundurinn vel sóttur en vegna tæknilegra vandamála var ekki hægt að senda hann út með fjarfundarbúnaði, eins og til stóð.

Í byrjun desember var jólafundurinn sem að þessu sinni var með öðru sniði en verið hefur. Það hafði greinilega jákvæð áhrif á mætingu en hátt í 60 ljósmæður áttu yndislega kvöldstund saman. Fræðslunefndin stóð fyrir happadrætti og voru vinningarnir glæsilegir. Samtals söfnuðust um 130.000 kr. sem runnu óskiptar til Kvænnaathvarfsins. Eva Laufey Kjara Hermansdóttir kom og kynnti fyrir okkur bókina sína „Matargleði Evu“ ásamt því að koma með ljúffengar kræsingar. Í stað jólaglöggsins var boðið upp á hvítvín og kunnu ljósmæður greinilega vel að meta þá nýbreytni.

Í lok febrúar kemur Inge Christensen til landins. Inge er dönsk ljósmóðir og hypnobirthing kennari ásamt því að hún er "hypnotherapist/dáleiðari". Hún ætlar að bjóða upp á námskeiðið "Fra panik til ro på 10 minutter - akut på fødestuen". Haldin verða tvö námskeið, annað í Reykjavík og hitt í Þykkvabæ. Fullbókað er á bæði námskeiðin.

Fyrir hönd Fræðslunefndarinnar,

Hanna Rut Jónasdóttir, formaður.

Skýrsla ritnefndar

Í ritnefndinni árið 2013 voru Hrafnhildur Ólafsdóttir ritstjóri, Helga Gottfreðsdóttir, Berglind Hálfðánsdóttir, Ingibjörg Eiríksdóttir, Ingibjörg Th. Hreiðarsdóttir, Ásrún Jónsdóttir og Edda Sveinsdóttir.

Haldnir voru tveir ritnefndarfundir, einn fyrir hvort blað. Svo eru mikil samskipti hjá nefndinni með tölvupósti.

Árið 2013 voru gefin út tvö blöð eins og undanfarin ár. Ekki hefur verið erfitt að fá efni í blaðið, nokkrir fastir liðir eru í blaðinu eins og verkefni frá ljósmóðurnema og hugleiðingar ljósmóður. Ein ritrýnd grein birtist á síðasta ári og eru nokkrar væntanlegar á þessu ári.

Töluverður kostnaður hefur verið við útgáfu blaðsins, uppsetningu, prentun, auglýsingasöfnun, pökkun og dreifingu, í raun hefur þessi kostnaður hækkað á hverju ári. Ákveðið var að hætta að skipta við fyrirtækið sem safnaði auglýsingum þegar farið var af stað að undirbúa desemberblaðið. Dóra Stephensen ljósmóðir tók að sér að safna auglýsingum, farið var heldur seint af stað í auglýsingasöfnunina svo árangurinn var ekki sem skildi, hún ætlar að taka að sér auglýsingasöfnun í næsta blað og vonast til að ganga betur þá. Ritstjórinn sjálfur, ásamt fjölskyldu sinni, pakkaði svo blaðinu ásamt fylgju, vonandi hefur eitthvað sparast við þetta.

Fylgjan var gefin út í nánast óbreyttri mynd. Hún kom seinna í hendur ljósmæðra núna en undanfarin ár, varð þá ritstjórinn var við mikið óöryggi ljósmæðra, greinilegt er að Fylgjan er stór þáttur í lífi ljósmæðra og var ritstjórinn ekki búin að gera sér grein fyrir því.

Fyrir hönd ritnefndar

Hrafnhildur Ólafsdóttir ritstjóri

Skýrsla sjóðanefndar frá aðalfundi 2013 til aðalfundar 2014.

Sjóðanefnd fundaði einu sinni, þann 26. nóvember 2013.

Á fundi sjóðanefndar var farið yfir að búið væri að fara með samþykktar úthlutunarreglur og skipulagsskrá frá Aðalfundi 2013 til viðeigandi aðila og við værum í staðinn búin að fá söluandvirði íbúðar Jóhönnu að Ásvallargötu 25 í Reykjavík, 19.837.466 kr, inn á reikning félagsins sem var búið að stofna fyrir þennan sjóð. Ákveðið var að úthluta ekki úr Minningarsjóði JH árið 2013 til félaga LMFÍ heldur verða við beiðni aðstandenda Jóhönnu og kaupa legstein á leiði Jóhönnu Hrafnfjörð að verðmæti 531.377 kr til minningar um hana og gjöfina til félagsins.

Úthlutun úr ROÐ sjóði var haldinn í nóvember. Bárust 3 umsóknir í Rannsóknar- og þróunarsjóð LMFÍ að upphæð 1.136.463 kr. Allar umsóknir voru styrkhæfar og fengu allar styrk. Úthlutun var sem hér segir:

- Berglind Hálfðánsdóttir sótti um og fékk 561.463 kr styrk vegna doktorsverkefni síns í Ljósmodurfræði við Háskóla Íslands er nefnist: „Heimafæðingar á Íslandi – útkoma og áhrifaþættir“.
- Jónína Sigríður Birgisdóttir sótti um og fékk 400.000 kr styrk vegna meistaraverkefni síns í Ljósmodurfræði við Háskóla Íslands sem beinist að þróun samtals við verðandi móður/foreldra til að styrkja eðlilegt fæðingarferli.
- Ásrún Ösp Jónsdóttir sótti um og fékk 1 árs framlengingu á eftirstöðvum á styrk sem hún fékk úthlutað 2011 vegna meistaraverkefnis síns í Ljósmodurfræði við Háskóla Íslands um upplifun fedra af heimafæðingum á norðulöndum. Eftirstöðvarnar voru 175.000 kr

Fyrir hönd Sjóðanefndar Ljósmeðrafélags Íslands
Inga Sigríður Árnadóttir, gjaldkeri.

Ársskýrsla kjaranefndar Ljósmeðrafélags Íslands starfsárið 2013-2014

Framan af árinu var starfsemi kjaranefndar í lágmarki þar sem kjarasamningar voru enn í gildi og undirbúningur að gerð nýrra samninga ekki formlega hafinn. Þó var leitað eftir því að stofnanir stæðu við gerða samninga hvað varðaði fæðispeninga, sem ekki hafa verið greiddir nema á stóru sjúkrahúsunum. Nú nýlega féll dómur félagsdóms í máli sem Hjúkrunarfélag Íslands höfðaði af þessu tilefni, félaginu í vil og teljum við, Kjaranefnd LMFÍ, að sá dómur gildi einnig fyrir aðrar vaktavinnustéttir sem hafa þetta ákvæði í samningum. Enn hefur niðurstaða þó ekki fengist í málið hjá okkur.

Eftir sumarfrí hófst undirbúningur kröfugerðar fyrir samninga sem voru lausir þann 1. febrúar sl. Kom þá í ljós að kjaranefnd var nánast óvirk og allir kjaranefndarmenn, fyrir utan formann nefndarinnar og formann félagsins vildu hætta í nefndinni. Var því auglýst eftir áhugasömum félagsmönnum og komu í kjölfarið þrír nýir félagar inn í nefndina, þær Edda Sveinsdóttir, Jóhanna Skúladóttir og Sesselja Ingólfssdóttir. Var það góður liðsauki.

Fyrsta verkefnið voru samstarfsfundir vaktavinnustétta sem formaður Hjúkrunarfélags Íslands boðaði til, en áhugi er á því að breyta áherslum í samningum vaktavinnufólks m.a. stytta vikulega vinnuskyldu. Haldnir voru fimm fundir og að lokum var send beiðni til Kjaranefndar ríkisins með ósk um fund, þar sem þessar áherslur yrðu ræddar. Það er skemmst frá því að segja að þessari beiðni hefur ekki verið svarað.

Fulltrúar kjaranefndar sátu fundi Kjara- og réttindanefndar BHM þar sem ræddar voru áherslur í væntanlegum samningum.

Ákveðið var að vinna að kröfugerð félagsins í væntanlegum samningum óháð því hvort félagið færi fram með BHM til samninga eða ekki, svo kröfurnar væru tilbúnar hvernig sem færi. Voru fundir haldnir nokkuð þétt á haustmánuðum, bæði í húsnæði BHM sem og annarsstaðar. Gekk vinnan við kröfugerðina vel, og var meðal annars send út óformleg könnun til félagsmanna til að fá fram hugmyndir þeirra um þær áherslur sem rétt væri að byggja kröfugerðina á. Var niðurstaða könnunarinnar lögð til grundvallar vinnu nefndarinnar. Var kröfugerðin kynnt á almennum félagsfundi þann 29. október sl.

Námskeið var haldið á vegum BHM um samningatækni og sátu það formaður félagsins og formaður kjaranefndar. Þá var og haldin kjararáðstefna BHM þar sem niðurstöður vinnu við bókun 1 í kjarasamningi var kynnt.

Tekin var sú ákvörðun að vel athuguðu máli að fara fram í kjarasamningavinnuna í samstarfi við BHM, þar sem það virðist svo að lítið vilji sé hjá ráðamönnum að gera samninga við hvert félag fyrir sig. Lítið hefur þokast í samkomulagsátt og er barátta BHM nú að hefjast fyrir alvöru. Búið er að boða vinnustaðafundi um allt land, sumir þeirra eru búnir, en aðrir væntanlegir og auk þeirra stórir baráttufundir boðaðir næstu vikur. Er formaður félagsins fulltrúi þess og einn af aðalmönnum í kjaranefnd BHM. Virðist sem svo að líkur aukist á því að það þurfi róttækar aðgerðir til að viðunandi samningar náist.

Fyrir hönd Kjaranefndar Ljósmeðrafélags Íslands, 8. mars 2014

Björg Sigurðardóttir formaður.

Skýrsla Norðurlandsdeildar Ljósmeðrafélags Íslands fyrir árið 2013.

Tekin saman fyrir aðalfund Ljósmeðrafélags Íslands 2014.

Norðurlandsdeild Ljósmeðrafélagsins starfaði með hefðbundnu sniði árið 2013.

Aðalfundur var haldinn á kaffihúsinu Ilmi á Akureyri þann 15. maí 2013.

Venjuleg aðalfundarstörf fóru þar fram ásamt því að kosið var í þrjú embætti innan stjórnar, formann, varaformann og ritara.

Í tengslum við umsókn á kennitölu fyrir félagið þurfti að gera breytingar á lögum félagsins þannig að ljóst sé hvert eignir þess renni, verði það lagt niður. Fól það í sér að bætt var einni grein við lög félagsins og er sú grein svo hljóðandi:

”Ákvörðun um slit félagsins verði tekin á aðalfundi með einföldum meirihluta og renna þá eignir þess til fæðingadeildar Sjúkrahússins á Akureyri.”

Var þetta samþykkt einróma. Deildin hefur síðan fengið sína eigin kennitölu og þykir það hafa haft í för með sér talsverða vinnuhagræðingu fyrir gjaldkera deildarinnar.

Upp var borin hugmynd að stofnun Fésbókarsíðu fyrir ljósmeður í NLMFÍ sem fékk góðar undirtektir og var sá hópur stofnaður í kjölfarið.

Engar breytingar urðu á félagatali á aðalfundi og eru nú skráðir 47 félagar í NLMFÍ.

Aðventufundur var haldinn á veitingahúsinu Bryggjunni þann 5. desember. Áttu ljósmeður þar saman góða kvöldstund. Fengum við Sr. Guðrúnu Eggertsdóttur sjúkrahúsprest í heimsókn og flutti hún okkur bráðskemmtilega jólasögu. Tveir félagar sýndu okkur notkun á Rebozo sjali, flutt var ljóð og fleira skemmtilegt.

Stjórnarfundir voru tveir á árinu auk samskipta stjórnarmeðlima í gegnum síma og tölvupóst þegar þurft hefur.

Stjórn NLMFÍ skipa nú:

Birgitta Níelsdóttir, formaður

Ásrún Ösp Jónsdóttir, varaformaður

Ingibjörg Jónsdóttir, ritari

Eva Laufey Stefánsdóttir, gjaldkeri

Halla Harðardóttir, meðstjórnandi

Með bestu kveðjum á aðalfund Ljósmeðrafélags Íslands,

Birgitta Níelsdóttir, formaður NLMFÍ.

Skýrsla fagdeildar heimaþjónustuljósmeðra.

Stjórn fagdeildar heimaþjónustuljósmeðra hefur haldið einn formlegan fund frá síðast aðalfundi en hafa þó nokkur samskipti átt sér stað rafrænt og þá sérstaklega í tengslum við samninga við Sjúkratryggingar Íslands í lok árs.

Fagdeildin stóð fyrir fræðsludegi í samvinnu við fræðslunefnd LMFÍ 9. nóvember 2013 og var hann vel sóttur.

Einnig stendur til að halda fund 12. mars þar sem farið verður yfir ýmis mál sem snerta þjónustu ljósmeðra sem sinna heimaþjónustu í sængurlega sem og heimaþjónungum.

Kópavogi, 4. mars 2014

Bergrún S. Jónsdóttir

Tillaga uppstillingarnefndar til aðalfundar LMFÍ 2014

Stjórn

Formaður: Áslaug Valsdóttir
Varaformaður: Steina Þórey Ragnarsdóttir (ný, var vararitari)
Gjaldkeri: Inga Sigríður Árnadóttir
Varagjaldkeri: Hafdís Ólafsdóttir
Ritari: Ásta Hlín Ólafsdóttir
Vararitari: Bergrún Jónsdóttir
Meðstjórnandi: vantar

Kjaranefnd : formaður: vantar (Björg Sigurðard. mun ljúka yfirstandandi samningagerð)

Edda Sveinsdóttir
Sesselja Ingólfssdóttir
Jóhanna Skúladóttir
Kristín Viktorsdóttir (ný)
Signý Dóra Harðardóttir (ný)
Formaður LMFÍ

Ritnefnd: Hrafnhildur Ólafsdóttir, ritstjóri
Sigrún Ingvarsdóttir (ný)
Edda Sveinsdóttir
Ingibjörg Eiríksdóttir
Ingibjörg Hreiðarsdóttir
Berglind Hálfánardóttir

Fræðslunefnd: Hallfríður Kristín Jónsdóttir (nýr formaður)
Gréta Rún (ný)
Hildur Ármannsdóttir (ný)
Guðrún Haraldsdóttir (ný)
Ragnheiður Þorvaldsdóttir (ný)

Sjóðanefnd: formaður LMFÍ
Gjaldkeri LMFÍ
Gréta Rún Árnadóttir
Gréta Matthíasdóttir
Margrét Guðmundsdóttir

Kjörnefnd: Birna Ólafsdóttir, formaður
Hilda Friðfinnsdóttir
Tinna Jónsdóttir (ný)

Siðanefnd: Anna Rut Sverrisdóttir
Birna Gerður Jónsdóttir
Guðrún Halldórsdóttir

NJF: Hildur Kristjánsdóttir
Fulltrúi sem stjórn ákveður

Skoðunarnefnd: Ingunn Vattnes Jónasdóttir
Margrét Guðmundsdóttir

Aðaltrúnaðarmaður: Arndís Mogensen (ný)